

愈怒並入北邊北邊由是壞敗會當病死莽以其庶女

陸遂任妻後安公奢

李奇曰陸遂邑也莽改公主曰任奢本為侯莽以女妻之故進爵為

公師古曰遂音錄在音壬所以尊寵之甚厚終為欲出兵立之者

師古

日言為此計意不止

會漢兵誅莽云奢亦死更始二年冬漢遣中

郎將歸德侯颯大司馬護軍陳遵使匈奴授單于漢舊

制璽綬王侯以下印綬因送云當餘親屬貴人從者單

于輿驕謂遵颯曰匈奴本與漢為兄弟匈奴中亂

師古曰言

中間之時也讀如本字又音竹仲反

孝宣皇帝輔立呼韓邪單于故稱臣

以尊漢今漢亦大亂為王莽所篡匈奴亦出兵擊莽空

其邊境今天下騷動思漢莽卒以敗而漢復興亦我力